

6. PHATNA LEH BIAKNA

a) Laisiangtho bulphuhte Jn. 4:23-24 Heb. 13:15 Psa. 100:4 Eph. 5:19-10
Rom. 12:1 Col. 3:16-17 1Pet. 2:9

b) Thupatna

'Phatna leh Biakna' cih kammalte in Pasion itna i thuhkikna leh Topa tunga i lungdamna khempeuh huamkim hi. Tuatte in i nuntakna a hang atom in huam hi (Isa. 43:21; Eph. 1:6, 12, 14).

- Hong piaksate hang in Pasion tung i lungdam ding ahi hi.
- Hong bawlsate hangin Pasion i phat ding ahi hi.
- Amah eite ading kua ahihna hangin Pasion i biak ding ahi hi.

Eite ading hong sepsak tampite hangin Pasion tungah lungdamna lungtang i neih tawntung ding kisam hi (Psa. 100:4). A taktak in, Topa sungah a tawntung a i lungdam ding hong hanthawn hi (Phil. 4:4). Pasion in hong it, hong kem in tuatte i theih ding hong deih hi. A lungdam lungtang tawh kha leh thuman sungah ama tungah lungdamko bia thei hihang.

c) Phatna i cih bang hiam?

- Pasion kua hiam cih phawk theihna hi. (Psa. 104:1-3; 1Chro. 29:10-13).
- Eite ading hong sepsak na khempeuh hang a Pasion theihna hi (Psa. 25:8-10; Isa. 25:1).
- Pasion zahtakpiakna (Psa. 34:3; Psa. 99:5).
- Pasion pahtawina (Dan. 4:34-37).
- Pasion liatsakna (Lk. 1:46 AV; Acts 10:46 AV).
- Pasion lamdang sakna (2Thess. 1:10).
- Pasion minthansakna (Rev. 15:4; Psa. 29:1).

d) Banghang Pasion phat ding?

- Pasion pen ama mite phatna tungah kikoih hi (Psa. 22:3 AV).
- Mihing bang lian in bang mah dangte in Pasion phat thei lo hi (Psa. 30:9; 115:17-18).
- A beisa leh tulai taka Pasion nasep liante sungah phatna in sangsak in lungdamsak hi (Psa. 40:5; Psa. 98:1; Exo. 15:6).
- Phatna in leitung a Pasion liatna leh a thupina tangko hi (Psa. 66:5-8)
- Phatna in eite tungah Pasion thupha khahkhia hi (Psa. 67:5-7)
- Phatna in Pasion vangliatna khahkhia hi (Psa. 149:6-9; 2Chro. 20:12-22)
- Pasion in amah a phat dingin mite bawl hi (Isa. 43:21; Eph. 1:3-14)
- Pasion phat ding in hong kihilh khin hi (Eph. 5:18-20; Psa. 146:1; Psa. 100:4)
- Phatna pen Pasion a lungdam sak meihal biakna khat hi (Heb. 13:15-16; Psa. 107:21-22; 2Sam. 24:24). eite muk leh kam bek hilo in, i pum tang tawh hi ding hi (Rom. 12:1)
- Pasion pen eite phatna ngah dingin kilawm kituak hi (Rev. 5:9-14)

e) Phatna pen Galhiam khat hi

Phatna pen, i gal Satan langkhat ah galhiam hoih khat hi thei hi. Banghang hiam cihleh phatna pen Satan tawh kipum huat hi. Kha galdona ahiah hangin phatna leh lasak nate mawk hih thei lo hihang. Tua sangsik in, Pasion sathau nilhna a khawlina ahi Pasion

kammal tungah Khasiangtho tawh i theihtheih ding ahi hi (Psa. 56:4, 10-11; 2Chro. 20:21-22). Pasion vangliatna in a kantan hundong i kep suak ding ahi hi (Acts. 16:25). Hih bangdan phatna pen i lungsim sungah daitak a genna bek hilo in, zak theih ding kisam hi.

f) **Phatna genna Hebrew kammal sagih**

1. **Yadah:** Khut laptohna, khutte zalkhiatna tawh zahtakna leh biakna (Gen. 29:35; 2Chro. 7:6; Psa. 107:8).
2. **Halal:** Kitelsiang na, lahkhatna, kisialhna leh mihai suahna, hotkhatna leh paw bawlna (1Chro. 23:5, 30; 2Chro. 20:19,21; Psa. 69:30; Psa. 150:1-6).
3. **Tehillah:** (Halal pan). Phatna aihkeh phatna la(Deu. 10:21; 2Chro. 20:22; Psa. 100:4; Psa. 145:25). Pasion pen hibang phatna nam tungah kikoih sang hi (Psa. 22:3AV).
4. **Barak:** Khukdinna leh pulakna tawh pah tawina lim a, Pasion thupha piakna (Judges 5:2).
5. **Zamar:** Khutmete tawh satna,awgingte tawh kithuah tunging khat tumna, tua bangtawh la leh tungingte zanga, paw khaamna (Psa. 21:13; Psa. 57:7; Psa. 108:1).
6. **Shabach:** aw ngaih leh otna tawh Pasion tung a thugenna leh minphat na (Psa. 63:3; 117:16; 145:4).
7. **Tawdah:** Zahtak piakna tawh khutte laptohna; a diakdiak in biakpiakna plate lapawl; Phatna pulakna leh biakpiakna (Psa. 100:1; Jer. 17:26; 33:11).

g) **Biakna i cih banghiam?**

Biakna pen kilawm kituah na: amah kilawm kituak aihciang a pahtawi na piak na (Rev. 4:11; 5:12). (Worship=Worth-ship). Hebrew kam tawh biakna cih pen 'segad' leh 'Shachah' hi a, a nih tuak in 'kunsuk' cihna hi. Hih kammalte a khiat na pen ui khat leh a topa kizopna lim zong la hi. Tua pen zahtakna itna hi. Biakna cih a kilak na Greek kammal pen 'proskuneo' hi a, 'khut napna', zahtak piakna cihna hi. Tua hi a, Laisiangtho hilh biakna pen a lianzaw khat tungah angsung theihna kihel lo a, zahtak piakna cihna in kizang hi.

Zeisu in Pa phatna hamphatna hong piak nading in a sisan hong bua hi (Hebrews 10:19-22). Zeisu tungtawn in thu um mi khempeuh Pasion tung ah siampi suak hi. Tuat pen Pasion kiang ah mite pai pih in mite kiang ah Pasion a pai pihte hi (Rev. 1:6; 1Pet.2:9). I nuntakna ah Pasion a masa in koih leng tua pen biakpiak na lahkhatna hi. Hibang tawh Pasion i piak leh Pasion in ama kiangah hong naisak in eite hong piakik hi.

Pasion biakna pen lasakna ciang bek hilo hi. A taktak in Zeisu nungzuite i hih mah bangin i sep khempeuh (i septe, i thuak gamtatnate, i laisinna, i innkuan nutakna cihte). pen Pasion biakna a hih ding ahi hi. Pasion biakna maan in ama ading i nuntakna ah 100% piakna hi. Ama ading hih theihna leh thumanh kimna hi. Pasion biakna pen Pasion tungah minthanna tutna nuntak zia hi.

h. **Biakna pen Pa in a zonzon nakhat ahi hi.**

Zeisu in hi ci gen hi.

"Ahihangin a bia taktakte in a kha leh thutak a, Pa biak hun uh hong tung ding tham lo in tu in zong a tung zo hi. Ahang in, tua bang a biate bek Pa in a zong hi". Pasion pen kha ahi hi. Amah a biate in kha leh thutak in a biak pelmawh ding ahi hi." (Jn 4:23-24)

Hih Laisiangtho tang in thunga hong hihna phawk in.

1. **Eite in Pa bia hihang.**

A tatkhia tate leh tanute i hihna tawh amah in eite hong it masa ahiman in amah i it hi (1Jn. 4:19).

2. **I Khate pan i bia hi.**

A cihnopna pen a santak in Pasion i biak ding leh Khasiangtho suahkikna (Pianthakna) i ngah ding ahi hi. Pasion i biakna pen Khasiangtho in hong humuap in hong makaih ding ahi kul hi. Pa a lungkim sak biakna tawh Pasion koici biak ding cih amah bek in thei hi (1Cor.2:10ff; Jn 16:13-15).

3. **I lungtangte pan i bia uh hi.**

Thuman thutak sungah; Pasion Tapa Zeisu tungtawn a Pa Pasion thawhkikhawlkhawm a, nuntakna maan tawh i bia hi. A taktak in ' thuman thutak' ci a kiletkhia Greek kammal pen 'aletheia' hi a, 'a maan' cihna zong ahi hi (Matt. 15:8-9). Lungdamnate i pulak khiat ding kisam hi (Luke 1:16-47).

4. **I telna tawh i bia uh hi.**

Banghang hiam cihleh i mimal a i theih Pasion a bia i hi uh hi (Jn 4:22; Acts. 17:22-23; 1Cor. 14:15).

5. **Utna pan i bia uh hi.**

A deih tawh kibang ihih man a Pasion a bia hilo in, amah i lunggulhna tawh a bia ihi hi.

Biakna pen vantungah a thupi masa pen hi. Laisiangtho sungah Pasion lim i muh sim in biakna a kizopna i mu hi (Isa. 6:1-5; Rev. 4:6-11; Ez. 47:1-12). Biakna in Pasion ading ukna mun khat pia a, biakzia, biak dan pen a thupi hi masa lo hi. A thupi pen i biakna ah Pasion nuntakna a om hiam cih thu ahi hi.


i) **Bang lampi sungah Pasion phat thei bia thei i hiam?**

- Kammalte tawh (Psa. 9:1).
- Otna tawh (Psa. 95:1).
- Kunna tawh (Psa. 95:6).
- La tawh (Psa. 104:33; Psa. 33:1).
- Lamna tawh (Hih pen ama itna thukkikna tawh Topa tung a kipia, a zai zaw thumaan lim ahi i nuntak vek pi, i pumpi, lungsim leh kha ahi hi (Psa. 150:4; 149:3).
- Khut laptohna tawh, Topa tungah kingakna leh Topa sung a gualzawhna pulakna (Psa. 134:2).
- Tungingte tawh, a tamzaw in ahih hang a tawntung hilo, lasakna tawh kihel (Psa. 150:3-5; Psa. 98:4-6).
- I nuntak zia khempeuh tawh (Rom. 12:1; Phil. 1:20; 1Cor. 6:20; Eph. 5:20; Psa. 98:4-6)
- Kha tawh lasakna pen Pasion hong piak kampau (1Cor. 14:15)
- Late (Psalms) tawh: Laisinna, pan a a kisa kammalte (a diak in late). Biakna la: Zeisu pen Topa hi ci a, pahtawina a kiphuak la; khalam late; la masate; Khasiangtho humuapna tawh a kipuahpha leh a kibehlapte la, tua pen Topa sunga i sin khakte a pulak la hi ding (Eph. 5:19-20).

j) **Moses Biakbuk (Heb. 8:5)**

1. Thu um lote i hihna tawh biakbuk pualam ah om hihang.

2. Pasion in meihal biakpiakna tau ah hong sapna hangin a pua lam inntual ah pai hihang. (Hi lai ah i mawhnate hong kimaisak zo hi.). Tua khith teh ksilna kuangah pai hihang (Tua lai ah eite hong ksil in hong kisawpsiang hi.)
3. Mawhmaisak, silsiang leh siansuah sa in (a piangthak Christiante). Pasion siampite bangin siangtho mun ah pai thei hihang. Paknamtui halna tau zuan in(thungetnate bawl thei). siampite in a hel uh paknamtuite zang thei hihang. Tua khith teh mite in a bawl a en uh anlum a omna om pihna anlum ah pai thei hihang (Pasion kammal sim thei in Topa nitak an ne thei hihang). Mite in bawl-a a vak uh Olive thau tawh a kivak meivak khuam hangin khua mu thei hihang (Pasion khuavak sungah kikhawl khawm in kalsaun nading).
4. Tua khith ciangin na khempeuh ngeina khengval ahihna (Supper natural=pian ngei kan). Siangthopen mun sungah a kikeksa puan khai kantan in pai thei hihang. Hi lai ah Thukham singkuang tunga om Pasion om pihna om hi. Hih singkuang sungah Pasion thukhamte a kigelhna suangpekte om hi (Pasion in a thukham leh a kammal eite tungah direct in hong pia hi). Tua singkuang mai ah Aaron Ciangkhut leh (Pasion in a thuneihna leh a nuntakna hong pia hi). Hi lai mun ah Pasion tawh tawlinga in a khe phungah i tu hi. Hi lai ah aman eite na hong sepsak in eiten amah bia hihang. Banghang hiam cihleh Zeisu sungah Pasion ading siampite i hihi (1Peter 2:9). Suakta tak leh lungmuangtak in Pasion naih thei ding hihang (Eph. 3:12; Heb. 10:19-22).



Moses' Biakbuk Lim

k) Dotnate leh kikupkhopnate

1. Pasion in nang ading hong sepsakte hangin na lungdam hiam? Na lungdam ding a kilawm hiam?
2. Zeisu nungzui i hih mahbangin phatna leh biakna a thupisak nuntakna zia tawh i nuntak ding a kilawm hiam?
3. Pasion in la a sakna thei hiam? (Zeph. 3:17)
4. Israel ah Solomon in Pasion ading a a lam biakinn ah bang hun in Pasion minthanna hong paisuk hiam? (2Chro. 5:11-14)
5. Bang lampite tawh Topa phat in bia na hiam?
6. David in thukham singkuang Jerusalem ah a puakna leh Saul tanu Michal gamtat kikna a pulak Laisiangtho tang sungah sin beh ding a om hiam? (2Sam. 6:12-16)
7. Pasion na biak teh late sa maw, kha leh thutak tawh amah bia?
8. Na phatna leh Biakna ah bang ciang Topa tawh paikhawm khin na hiam? Moses biakbuk tungtawn in hih dotna ngaihsun in.

i) Tomlakna leh zatpahna

1. Tu in Zeisu nungzui na hih teh na otkhiat ding leh nasak khiat ding bang hiam khut nei hi teh.
2. Hun khempeuh (Psa. 34:1; 145:2). leh dinmun khempeuh ah (Heb. 13:15). Pasion na phat ding kilawm hi.
3. I Phatna leh i biakna pen a maan lungtang pan a hong pai Pasion tunga piakna hi dinga (Psa. 119:7) i lungtang khempeuh i piak ding kilawm hi (Psa. 138:1).
4. Phatna leh biakna pen mite lungdamna ding hilo in Pasion lungdam nading hizaw hi.
5. Eite in i kha leh thuman thutak tawh Pasion i biak ding ahi hi. Banghang hiam cihleh hihte pen a biate dan leh vantung Pasion ziate ahi hi (Jn. 4:23-24).